

四庫全書

史部

欽定四庫全書

史部
硃批諭旨卷十上

臣 永 瑆 恭 校

編 修 臣 裴 謙 覆 勘

總校官中書臣朱 鈐

校對官庶吉士臣張九 鍾

謄錄舉人臣楊 鸞

欽定四庫全書

硃批諭旨卷十上

硃批李維鈞奏摺

雍正元年五月初六日直隸巡撫_臣李維鈞謹

奏為清查通省虧空據實奏

聞事竊查錢糧關乎

國帑稱有虧缺例應查叅勒限追補仰荷

聖恩高厚特頒

諭旨凡有虧空無論已未叅出三年之內務祈如數補足等因欽遵在案臣到任後令各道府將從前虧空清查開報去後除宣化府屬多徵本色其地丁條銀甚少不開外計八府屬虧空共銀四十一萬三千餘兩伏思以上虧缺雖由前督臣趙弘燮所致特蒙

聖諭著原署撫臣趙之垣代為完補但臣受

此議不合倘趙之垣不能通完如趙世顯之子張安世恩深重何敢不圖彌補少報涓埃現今將通省各項陋

李繼

漢等革職離任之員儘可追查彌補若向現任各

官設

法賠補之舉斷斷不可

規節禮嚴行禁革上司之賄賂不行下屬之費用

自省將來之虧空自絕即已往之虧空計州縣歲

之所餘積累填補

臣

能於二年內督令清完至原

署撫

臣

趙之垣俟有完補銀兩另行奏請

聖裁外

臣

謹具摺陳明謹

奏

州縣官令少從容不慮窘乏方可責其盡心撫字少有
餘資亦可自為地方興利之舉何可勒令為他人補苴

虧缺耶

雍正元年五月初七日直隸巡撫

臣

李維鈞謹

奏為

奏明事竊查

臣

衙門向有親丁名色動支

臣

標營馬

兵三十五名餉米馬乾銀每年共一千四百餘兩

臣
蒙

皇上深恩復荷

聖訓日凜冰淵之懼一切舊規悉已革除而於營汛尤

嚴虛冒今臣親丁不過數人何敢踵襲虛造虛支
自蹈欺罔上負

聖恩已將馬兵三十五名缺額選拔驗補以實軍伍並
咨明戶兵二部在案理合據實

奏明伏祈

睿鑒謹

奏

革除隨丁名色以實軍伍固屬善舉但恐爾等大吏過

於窘乏或致費用不敷酌量為之所屬境內無論遠近
一有雨澤即行奏聞

雍正元年五月十三日直隸巡撫

臣李維鈞謹

奏為恭報雨澤事竊據各屬陸續具報得雨日期前
來查順天府屬之武清河間府屬之交河慶雲廣
平府屬之成安宣化府屬之宣化萬全等縣於五
月初二三等日得雨二三寸不等保定府屬之蠡
縣博野東鹿正定府屬之安平武強武邑晉州等

州縣於五月初八九十等日得雨一寸五六分及
二寸餘不等大名府屬之元城魏縣大名開州濬
縣長垣清豐南樂東明等州縣於五月初二三等
日得雨三四寸餘不等滑縣得雨七八寸內黃縣
得雨四五寸其餘各屬俟報到另行奏

聞再查正定府屬之井陘一縣歷歲歉收雨澤愆期夏
收無望獲鹿一縣地丰平行稍有四五分收成
臣
仰體

此舉是

皇上愛養元元至意已於守道庫內借銀三千兩發并

陞縣銀二千兩獲鹿縣銀一千兩各設廠煮賑務

使窮黎得所至於

設法補還之說借動庫銀

臣著實斟酌朕甚不取自設法補還蒙

皇上發回

臣

奏摺跪讀

硃批內有所屬境內無論遠近一有雨澤即行奏聞欽

此仰見

皇上勤求民瘼無逸居心萬方生計無時不上厪

聖懷所有得雨之處

臣

謹繕摺奏

聞謹

奏

雖得微雨尚未霑足內外一體專誠懇禱庶望

天心下應甘霖大沛也

雍正元年五月十四日直隸巡撫

臣

李維鈞謹

奏為恭報二麥收成數事竊查二麥因去秋旱乾
播種稀少今歲三月內幸得甘霖普降頗多秀實
其續種春麥入夏缺雨收成減薄茲據各道府將

二麥收成分數陸續呈報前來查順天府屬收成
內窪地及有水可灌之地約有八分至五分不等
高地約有四五分不等永平府屬收成內有窪地
及有水可灌之地約有七八分不等高地約有四
五分不等河間府屬收成內窪地及有水可灌之
地約有八分至六分不等高地約有四五分不等
正定順德二府屬收成內窪地及有水可灌之地
約有八分至五分不等高地約有四五分不等廣

平大名二府屬內窪地及有水可灌之地約有七分至五分不等高地約有三四分不等宣化府屬收成內窪地及有水可灌之地約有六七分不等高地約有四五分不等所有二麥收成分數理合具摺奏

聞謹

奏

覽奏已悉麥秋獲此大半收成幸賴三月內之恩膏不

然朕畿內赤子將何以餬口耶

雍正元年五月十六日直隸巡撫臣李維鈞謹

奏為奏

聞事竊查直屬內莊頭以及大戶有勢力者從前半皆
強橫不法流毒肆虐人人側目自

皇上御極以來各知歛跡草面草心者固已不少惟宛
平縣之鵝房莊頭索保住併子八哥姪烏允一橫
霸一方田連阡陌所招佃戶一呼千諾供其驅使

其姪烏允一兇惡尤甚酗酒毆人全無忌憚本年五月初二日有李世英活被打死索保住與房山縣夏村莊頭六哥原係至戚交好更密互為犄角朋比作奸六哥家富勢大男女混雜彈唱演劇耍拳弄棒以前窩頓響賊近則各處開礦開窯以致宣化府士民罷市現在查明另疏具題所有莊頭索保住等豪橫擾害之處臣查訪得實不敢容隱謹具密摺恭

奏以

聞伏祈

睿鑒謹

奏

爾既奏聞且靜聽勿使彰著將此數人卽諭內務府拏解交爾同法敏嚴審究擬毋得瞻徇情面此二人之家產俱不下數十萬之富所以敢於驕縱現存者清查隱匿者搜追並其爪牙黨惡擾害百姓者卽於此案內一

併推究審出勿使漏網以示懲創以舒暢小民怨抑之氣但此輩向日專以鑽營結納為事與內廷勢要無有不交接往來者爾斷不可游移軟懦倘遇難以推却之處直告之曰上意指示何敢少寬特諭

雍正元年五月十八日直隸巡撫臣李維鈞等密

奏為訪拏勢惡以除民害事臣等到任後即密加訪

查有房山縣居住之李信父子併宛平縣居住之索保住父子及姪烏允一素性淫虐驕侈僭妄受

害人民皆懼伊勢力豪富雖百般受害無敢控告者此等之人一日不除則地方生民俱不安枕謹將伊等惡蹟臚列密以奏

聞一李信父子於房山縣地方聚衆數百人違禁獨霸石行將附近居民牲口強奪拉車一房山縣礦場李信霸佔開採一年約可得銀四五萬兩伊家人于五劉二董理場務百姓稍有違拘即非刑拷打一李信強佔宛平縣良民于文龍之媳王氏并房

山縣陳鐵匠弟婦三兒為妾一重息放債折算百姓房產若有不能完者即將妻妾子女勒買為奴一於房山縣張房等處開印子舖重息殃民本村人王重元管事一索保住父子招集佃戶一呼千諾逞奸作惡無所不為稍不遂意即指令抄毆橫霸一方一廣放私債違禁取利如不能完威逼半價準產勒買其妻女一索保住父子濟惡又聯結李信父子朋比為奸勢大莫制被害畏懼無敢告

訴一烏允一恃勢妄為酗酒肆毒於本年五月初二日有李世英活被打死一李信父子併索保住及其子姪倚恃百萬財產肆行不法出入行走輒

其欺

帶刀鎗隨從五六十人由此觀之伊等驕侈僭妄

蹟恐

不止

於此

誠然

一羣

惡棍

也

威勢薰

皸久

懾人

心所

行惡

事甚

多若

不嚴

加拏

問斷

不能

盡得

其實

但拏

問地

方惡

棍務

須審

擬

具

題伏乞

據爾前奏已早降諭旨矣但恐先有知覺應匿辦理亦未可定現存者已著管理內務府大人嚴查封固交與皇上將李信父子并索保住及其子姪嚴飭查拏發併巡道法敏嚴審定擬將應納錢糧應入官之項追出一面將伊家產查明封鎖勿使隱匿搬運為

此密行陳明謹

奏

知道了人犯解到時一一逐款研審確情奏聞

同日又

奏為再報雨澤以慰

聖懷事竊查順德府屬之沙河南和唐山任縣邢臺等縣於五月初十日得雨二寸五分宣化府屬之西寧縣於初九初十等日得雨四寸保定郡城於十七日酉時起微雨至十八日午時雨尚未止入土約有三寸此雨未足尚在祈求伏念

皇上宵旰殷懷望雨甚切臣謹將各屬續報得雨日期及保定郡城得雨情形先行遵

旨繕摺奏

聞謹

奏

覽奏殊慰朕之憂懷京城於十九日薄暮亦得大雨真
可為內外同慶也

雍正元年六月十七日直隸巡撫

臣

李維鈞謹

奏為改就武職以圖報効事據正定府同知石禮哈
呈為竊禮哈年四十歲正白旗人由歲貢捐納同
知選授今職復遵西安駝例捐陞副使道深念祖

孫父子兄弟世受

國恩豈可虛糜歲月不思圖報伏查成例康熙六十年間川陝總督年羹堯將同知武正安

題授永寧副將雍正元年湖廣總督楊宗仁將廣州左衛守備范宗堯

題授漢陽縣知縣此文武互用有例可援禮哈情願改就武職以効犬馬之報特懇摺

奏等情到

臣臣

查正定府同知石禮哈即係河南撫

臣石文焯之子年力正壯騎射頗嫻情願以文改武援照武正安等改補之例呈請摺

奏欽惟我

皇上用人無方不限資格倘蒙

俞允將石禮哈所捐副使道之銜改用武職查正定協副將王弘基告休員缺請即以石禮哈改授則整飭操練就近可覘厥效仰請

皇上准令引

見詢察之下應否改調伏候

聖裁抑

臣

更有請者石禮哈如蒙

恩准改授出缺查保定府蠡縣知縣浦文焯慈祥廉潔
才具優長若以之陞補正定府同知則分猷佐治
必能弭盜安民雖以知縣

題同知與例不符但臣為地方緊要人材難得故冒
昧

奏請仰祈

睿鑒謹

奏

准爾所請着石禮哈來京引見宜文宜武朕觀其才質
再定將此摺封固交與石禮哈帶來

雍正元年六月二十二日直隸巡撫

臣

李維鈞謹

奏為遵

旨具奏事雍正元年六月二十一日准兵部咨為欽奉
上諭事內閣交出監察御史覺羅莫禮博等條奏二摺

咨交到

臣臣

欽遵拆閱內奉

硃批交

臣

察議具奏欽此

臣

查得請嚴私稅之禁等事

摺內土棍吳三勾串旗人鄭四借山主抽分名色
併致傷人命之處前據遷安縣詳報已批令巡道
飭審招解在案至立號私抽現在飛飭該道府州
縣嚴禁密拏俟查明確實另疏具

奏外其敬陳愚悃等事一摺

臣

議得薊州知州趙松

聲名原屬平常遵化州知州毛德琦辦差洵為軟

弱誠如臺臣所

奏但趙松於差務頗稱幹練毛德琦官守亦能謹飭
是以未遽指叅今臺臣以薊遵二州接近

陵寢差使絡繹必得才幹有守之員方能辦理無誤應如

所請仰祈

皇上於卓異薦舉人員內

簡選補放實於地方大有裨益倘蒙

勅臣於通省州縣中酌量調補容臣慎擇

題請至趙松毛德琦二員應否從寬作何調補恭請
聖裁謹

奏

薊州遵化二缺爾於屬員中揀擇人地相宜者具題調
補趙松毛德琦如能改絃易轍奮勉上進則已倘仍委
靡不振即嚴加叅處示懲

雍正元年六月二十三日直隸巡撫

臣

李維鈞謹

奏為奏

聞事竊永定河工臣於汎水未發之先即嚴飭河員加

意防護在案今於六月二十三日據南岸分司雅

思海呈報本月二十一二等日河水陡長洶湧異

常將郭家務大堤漫坍四十餘丈等情前來臣隨

即檄發銀兩飛委中軍官朱文華等前往漫坍工

所協幫分司同知勒限作速堵築堅固具報併查

明有無民舍田廬漫坍丈尺確數到日另摺具

奏外所有漫坍堤工緣由臣謹具摺先行奏

聞謹

奏

此皆平日漫不經心臨汛失於防護以致隄工坍塌實屬怠玩亟當嚴察叅奏以戒將來

雍正元年六月二十五日直隸巡撫

臣

李維鈞謹

奏為奏

聞事竊

臣

將直屬得雨情形歷次

奏明

臣

又差人四處確查九府所屬州縣俱已透足

在在秋禾茂盛據土人僉云七月初旬再得一雨

大慰朕懷
便有十分收成皆我

皇上至誠昭格所致惟廣平府屬之永平邯鄲雞澤曲

周廣平肥鄉成安等七縣得雨稍遲

臣

隨委冀州

知州魏定國等星馳會同地方官借給倉糧銀兩

及時補種今據各縣稟稱西成大有可望所有直

屬秋禾情形

臣

謹查明具

奏至雨澤已足此後不敢繁叙以瀆

宸聽

臣

前在守道任內於通省積弊知之甚悉自面聆

聖訓於四月初九日回署將弊端之尤甚者力行革除

其餘小者去之太驟或恐利此累彼尚須次第釐

舉錯得宜則人心服此為段之要道也然舉直百姓之

感

尚須時日錯枉則立可暢快民

心屬員中有一不治與

題叅

保定府

知府馬兆宸等之後

皆知改悔自新

臣

情者

去之宜果不必猶豫微瑕小過或可望其改悔若

庸劣

顯然者斷不可一日姑容

姑容

殊恩重加勗勵俱有學為好官之志如直隸耗羨較他

省原輕今令照舊徵收道府州縣量留養廉而以

其餘彌補已往之虧空俟趙之垣名下各項清楚之日另請

聖裁臣恪遵

聖訓勉力奉行以圖吏治民風日歸醇正倉儲

國賦實在充盈但材識短淺時懼隕越謹將臣到

任所行事宜一併奏

聞謹

奏

所奏俱悉畿甸之內旗民雜處向日所在旗人暴橫小民受累地方官雖知之莫敢誰何朕所稔悉爾當奮勉整飭不必避忌旗漢冰炭之形迹不可畏懼王公勲戚之評論即皇莊內但有不安分擾害地方者一人亦毋得姑容皆密奏以聞朕自有處置爾之取重及見輕於朕正在此等處與法敏同心協力將此習俗務須矯正改革方不負朕委任之意也勉之

雍正元年六月二十九日直隸巡撫

臣

李維鈞謹

奏為奏明事竊臣遵

旨察議薊州知州趙松遵化州知州毛德琦經臣繕摺

具

奏蒙

皇上硃批薊州遵化二缺爾於屬員中揀擇人地相宜
者具題調補趙松毛德琦如能改絃易轍奮勉上進
則已倘仍委靡不振即嚴加叅處示懲欽此臣即應
選擇

題請因准部咨八月十八日恭遇

大行皇太后梓宮至陵薊遵二州實為差務重大今為日

已迫若遴選

題補候

旨赴任輾轉需時恐誤卸遲誤况新任之員於地方未

能熟悉猝辦大差終慮疎畧今臣再選委二員與

趙松毛德琦協同辦理自必無誤俟差竣日容臣

慎擇賢員另疏

題補理合

奏明伏祈

皇上睿鑒謹

奏

所請是此選委二員果能克勤克慎事無遲悞即以調補二州正屬人地相宜何必又另為選擇也

雍正元年七月十二日直隸巡撫

臣

李維鈞謹

奏為奏明事竊查直屬丁銀偏累窮民若攤入田糧

內實與貧民有益臣現在具

題請

旨但有力之家皆非所樂或有阻遏其請者况部中止知成例不肯變通必議不准仰祈

皇上乾斷允臣所請則無地貧民永戴

皇仁而州縣徵收亦自此較易臣為縣令州牧時確知其弊曾在山東江西四川行之皆善故敢剴切

題請若推之他省則利民無窮伏祈

睿鑒謹

奏

此事尚可少緩更張成例似宜於豐年暇豫民安物阜之時以便熟講利弊期盡善盡美之效今既經題奏候部議到時朕再酌定

雍正元年七月十七日直隸巡撫

臣

李維鈞謹

奏為欽奉

上諭事竊河南山東由水路來直販賣麥穀數目部議

行令查明按月奏

聞奉

旨依議欽遵在案今據守道桑成鼎呈稱雍正元年六月分查無豫省來直糧石止有山東自水路北來又自海運至津麥豆芝蔴高糧共四千七百六十三石等因具報前來臣謹繕摺恭奏以

聞臣前於奏雨摺內有土人僉云若七月初旬再得一雨便有十分收成之語今於七月初七日至初八

日果又大雨滂沱早晚田禾咸獲豐收農民歡慶
理合一併奏

聞恭慰

聖懷謹

奏

今歲秋成似無煩爾之章奏遙慰朕懷矣惟當以手加
額共為慶幸更相黽勉而已不但畿甸以內即山東山
西河南數省之天年實成出於望外此皆爾等封疆諸

臣仰體朕任用之意竭誠盡力於地方以故感名

天和並

皇考聖靈垂祐之所致耳朕心歡暢筆不能罄

再爾所奏解餉腳價一項經部駁追凡如此等不合案
件今怡親王現在留心釐正此人剛方公正一派天理
良心深明大義朕想此事即不論部伊自必有料理之
道摺留覽

賜爾鮮荔支一罐可少分賜與桑成鼎法敏二人

雍正元年七月二十日直隸巡撫臣李維鈞謹

奏為監司務在得人仰請

聖裁簡補事竊查霸昌道員缺內拱

京畿外扼邊口必得賢員方勝屏障之任仰祈

皇上於薦舉卓異人員內

特簡補放實於地方大有裨益而臣於屬員中時加廉

訪若河間府知府張紹賢才猷頗達操守亦潔允

愜輿情洵稱良吏我

皇上用人無方倘蒙

勅令引

見詢察之下可否

簡用伏候

聖裁臣叨荷重寄到任以來所薦舉調補之道府同知

皆荷

特旨允准何敢屢為瀆請但因地方起見人才難得謹

舉所知伏祈

睿鑒謹

奏

知府之任刑名錢穀為其專責較之道員更屬緊要張
紹賢宜仍留河間供職霸昌道員缺朕為爾酌簡一能
員補用

雍正元年七月二十二日直隸巡撫臣李維鈞謹
奏為恭謝

天恩事竊臣猥以庸材叨茲重寄仰蒙

知遇疊荷

恩施茲於七月十七日蒙

皇上賜_臣鮮荔支一罐到保_臣隨出郊跪迎至署望

闕叩頭謝

恩祇受訖_臣欽遵

聖諭分頒守道桑成鼎巡道法敏各叨

異數即於_臣署望北叩謝

天恩外_臣謹繕摺恭謝

天恩伏祈

睿鑒謹

奏

覽卿奏謝知道了腳價一事面詢怡親王據奏此事向來部臣之不准銷原不合情理臣部正欲將此事請旨李維鈞所奏甚是今將五十九六十年分者仍照前駁回統候六十一年奏銷案內將從前各年分者一並題奏云云怡親王又奏

陵上有一項官兵錢糧滿兵准銷綠旗不准亦甚不合於理果有此事否具摺奏覆

雍正元年七月三十日直隸巡撫臣李維鈞謹

奏為察訪勢惡害民密行奏

聞事竊直屬豪橫不法之大戶莊頭臣密訪寶坻縣住居之焦姓莊頭兄弟濟惡不在李信之下焦國棟焦國璧等分住城鄉各肆橫霸田土千餘頃當舖店房各處開張受害人民畏勢吞聲此等豪惡若

不剪除則地方之受累無窮謹將伊等惡蹟臚列
密以奏

聞一焦國棟姦淫家人妻女衆家人情急將國棟細綁
廳堂該縣并守備親至其家好言安撫解放一打
死家人劉進台賄買屍親不行呈報一打死家人
崔之林之婦將屍拋在河內一隱瞞壯丁女子杜
姐為妾一焦國壁強姦家人萬六之婦不從自縊
又將萬六打死一打死壯丁常住李三一打死夥

計孔僕子一喂養鷄鶩糧食奉

旨恩赦國壁指稱使費打點派大糧莊頭三百餘家共計銀二萬餘兩一私立集場一邑攬民人張海宇強姦僱工人之婦不從打死命案得賄銀八百餘兩一邑攬民人王二打死僱工人張姓命案得賄銀數百兩以上各款俱經密訪得實必嚴加拏問始暢民情但伊等住非一處其田產當舖又散在各邑伏祈

皇上密交臣同巡道法敏選擇幹員分委查拏封鎖庶
無隱匿搬運之虞為此密行奏

聞謹

奏

除暴安良爾分所當為類此等事宜極力振作更勿慮
朕以多事見責倉場甚屬緊要目下漕務正殷料理需
人已將法敏陞用矣今以常德壽補授巡道此人不在
法敏之下俟伊到來即將此事一面題叅一面嚴拏各

犯並將家產封鎖絲毫毋得贍狗疎縱如六哥等一例
嚴審追擬特諭

雍正元年九月二十四日直隸巡撫臣李維鈞謹
奏為奏

聞事竊查大名一協地接兩省兼三郡之營汛統轄之
員尤宜善於撫綏今署事之叅將劉可德於八月
初八日抵任並不拊循亦不訓練惟向各營汛需
索規禮又私役兵丁買辦一任侵蝕短價賒欠擾

累行戶以致兵民交口怨騰臣念該副將任事伊始或可改悔臣一面嚴加訓飭令其自新倘將來怙終不悛即當特疏

題叅臣蒙

皇上面諭凡應叅之員不可因特放之人少有瞻徇故不敢知而不言伏祈

睿鑒謹

奏

原係一介武夫當嚴加誡飭不能改過自新即行題叅若不實心悛改亦不可姑容

雍正元年九月二十八日直隸巡撫臣李維鈞謹
奏為恭請

聖裁事竊直隸巡道為通省刑名總匯事繁任重今巡
道常德壽已丁母憂除另疏

題報外伏查常德壽斷獄明晰為人亦復和平似此
賢員若竟離任深為可惜可否

特頒諭旨准其在任守制如未荷

俞允臣屬員中惟通永道高鑛廉明謹慎臣知之最久

倘蒙

簡補於刑名必能清理臣冒昧具奏恭候

皇上聖裁謹

奏

常德壽准其留任至於高鑛當再加試驗其人朕殊不深信也密之

雍正元年十月十五日直隸巡撫臣李維鈞謹

奏為恭報瑞雪及時事竊今二麥在地正賴冬雪及時來春土膏滋潤茲保定郡城於十月十四日天降大雪隨落隨消據清苑縣查報入地五寸且觀是日雲氣甚廣得雪必寬俟各屬報到另行彙

奏外所有保定郡城得雪緣由理合具摺陳明謹奏

冬令之雪消蝗潤麥洵稱瑞應我君臣惟共相勗勉以

恭迓

天庥不因瑞雪及時遂爾逸豫怠忽則一誠上格自必歲

歲年年永承

彼蒼之垂佑也

按地輸丁原屬優恤窮民之善意但直隸江浙等處田地多有名為有地而其實無租稅可收者其故大畧有四從來置產之家多係鄉紳富戶其棄田之人賄通置田家人將高下錯雜一

聚指為美產往往以九畝作十畝或以九畝五
六分作十畝當其富饒之時無從細察亦并不
覺有代為納糧之累及至家業漸貧必鬻其實
在八九分之產而此一二分之虛地虛糧無從
推去不得不照戶納課此有地無租之一也再
向日置產之時原係高下錯雜今則急而求售
不得不盡鬻其高者而獨留其下此下地所入
十年九空偶有收成僅足完一年之糧不足賠

九年之累此有地無租之二也再有一種棄產
之人原因一時急用希圖日後取贖故趙甲之
田賣與錢乙而戶名不即改換趙甲收錢乙之
糧為之代完久之究竟無力取贖傳及子孫戶
名仍在而趙甲遂為無田有戶不得不照戶納
糧此有地無租之三也又有一種棄產之人原
係出入衙門窮困無賴或係武舉劣衿身倚護
符既已棄產仍復希圖包納於中取利然其利

止於一時而其累及於子孫遂有年代久遠無從推收過戶趙甲之家有不得不為錢乙每歲納糧者此有地無租之四也至於直隸之順天保定河間永平宣化五府多有圈佔之地其所撥補大約遠隔數百里不等而地畝半屬窪下每年除完糧之外所餘無幾應令該撫查明直屬地畝分為上中下三則其上則中則按其多寡攤入丁銀至於下則及有地無租之人並與

清查免其一體均攤務期糧歸實在有田之人
不得私相影射如此則無地窮民與有地無租
之窮民均不致有賠累之苦矣

前因九卿議內有無地窮民賠糧之語朕深怪之業諭
照爾所請施行今九卿內有數人家奏一摺辨明此語
看來似覺有理爾可再為詳悉規畫務與國課無損窮
黎有益懸之象魏無可譏評方合琴瑟不和解而更張
之之義設爾前說或少有利此累彼不便之處慎毋固

執已見不妨密以奏聞另為商酌莫負朕獨斷專任之意也勉之密之特諭

雍正元年十月十六日直隸巡撫臣李維鈞謹

奏為酌議按地輸丁之法恭請

聖裁事臣伏查密奏內有地無租四條如所云虛地虛

糧江浙地窄人稠畝無足數以九分作一畝從無

大實分數之例至於直隸多有以二三畝作一畝

者其地皆有浮餘九卿虛糧之說未實也又如所

云所鬻之產盡鬻其高獨留其下或不免於賠累然直隸下產每畝亦值兩許或值數錢非不可鬻之產九卿下田賠糧之說未實也再如所云趙甲賣與錢乙戶名不改收糧代完此弊在在有之但代完之人歲向得地之家催索糧銀如一年不出不難推收改戶安有無地有戶無從推收之累且臣止因直隸無地窮丁起見而北五府丁浮於地尤為甚累故條

奏攤丁未嘗議請通行各省九卿牽入江浙等省甚不相涉惟所云直隸之順天保定河間永平宣化五府地多圈佔其所撥補半屬窪下完糧之外所餘無幾誠如九卿所慮而臣亦計之再三北五府地少丁多難就本州縣之丁銀攤入本州縣地糧之內自當籌度盡善以蘇民困今接准部咨將丁銀均攤地糧之內事關更定賦役作何均攤徵收之處令臣造冊具

題等因奉

旨依議欽此欽遵

臣

查直隸通屬地糧共二百零三萬

四千七百兩有奇丁銀共四十二萬零八百兩有

奇統為核算將此四十二萬零八百兩之丁銀均

攤於二百零三萬四千七百餘兩地糧之內仍照

上中下三則之田各計其納糧輕重之數而分攤

其丁銀永無偏累之患所有現在無地窮民生生

世世感戴

皇恩於無既矣臣謹陳末議可否如是仰祈

聖裁批示遵行謹

奏

朕因九卿所議四條內或恐有爾想不到處故發來著爾再加熟計今覽爾此奏分析甚明籌度極當實可准行即遵旨悉心料理具本覆奏可也

雍正元年十一月初一日直隸巡撫臣李維鈞謹

奏為謹瀝下情仰祈

睿鑒事竊

臣

一介孤踪九年守道今茲撫直心切報

主權勢嫌怨皆不顧忌如糾叅李麟業張鵬飛及奏請
按地輸丁盡與時宜不合至劉可德虐兵厲民雖
經嚴飭仍不悛改於所轄殷實馬兵每圖需索以
致衆兵積怨於初四日夜皆會集

關帝廟要繳盔甲經大名府知府吳允謨勸止朱姓
馬兵忽放百總羣傳受賄從張家口帶去馬匹散
給五營兵弁每匹收價銀十五兩又奴使兵丁各

懷憤恨幸蒙

聖明調回兵民無不感悅惟劉可德以臣糾叅肆有後

言必圖報復然臣重沐

殊恩即肝腦塗地尚有不恤況以直結怨豈肯少自畏

縮自此以後當益矢公忠斷不瞻徇情面貽悞地

方臣雖一無所恃而受

知獨深已不為孤立是以謹瀝下情仰祈

皇上察臣之愚終始

矜全臣之感荷

聖恩生世以之矣謹

奏

朕當年即是孤臣並無恃援此心自有

上蒼鑒察但祇薦直做去坦然勿慮若信不得自己即信不得朕矣朕之耳目豈易為人熒惑耶

同日又

奏為奏明事竊照天津關稅據代理關務長盧鹽運

使段如蕙稟稱康熙六十一年九月二十八日起
至雍正元年九月二十七日止應餘正額贏餘銅
勛水脚等銀共八萬二千九百七十兩有奇又各
項雜費銀五千八百一十八兩今四季徵收過稅
銀統計現虧缺二萬三千兩又據稟稱願甘賠補
臣思津關稅銀雖有缺額何至虧缺二萬三千兩
之多明有徵多報少之弊當喚經手官役將各關
口所徵稅銀逐一分析開單實收過八萬四十兩

就正額贏餘銅觔雜費通行算入僅虧缺銀四千

七百八十八兩零

臣

隨傳同守巡道面詰如蕙惟

有引過認完竊念如蕙匿其實徵捏作虧缺本應

題叅但已悔悟願甘清完

臣

仰體

皇上用人無求備至意故未即指叅然

臣

不敢不據實

奏明為此繕摺謹

奏

念段如蕙平日官聲頗好准爾所奏免其處分不然似

此欺隱情弊何可姑寬爾之據實奏聞可嘉請寬叅劾亦是

雍正元年十一月初九日直隸巡撫臣李維鈞謹奏為

聖恩高厚感戴彌深事竊臣具摺瀝陳下情蒙

皇上硃批勗勉

天恩指示周詳古稱

爾果能視國家如腹心朕何忍不視爾如手足我君臣君之視臣如腹心從無逾此畧堂廉之大分加顧復之

共相勉追明良喜起之盛豈不偉哉朕生平立心
深情非常

從不負人

隆寵何異家人父子臣跪讀之下感激涕零惟矢血誠

以冀少答

主知於萬一臣夙守硯介歷任多年與王公大人一無

交接而與怡親王亦未嘗謁見今秋進京臣詣

闕廷得奉怡親王面詢攤丁臣遂悉心以對嗣扈從

聖駕東行一路往返於

宮門外時承怡親王諭問臣心雖感而於私第終不

敢往來通問今蒙

諭旨凡有為難不便奏聞小事密使人同王商酌欽此

臣敢不謹密自後倘遇有為難不便奏

聞之小事敬使人啓怡親王商酌遵行伏祈

睿鑒謹

奏

如許年來即怡親王亦係孤介自持之人從不與人交接而為多事務名之舉朕昔在藩邸與諸兄弟除公處

相見之外並不曾私結恩好以圖彼此倚仗自經大事
後朕即位以來見伊真實赤心許國深明大義而且公
正和平目能識人誠有人之有技若已有之之品量如
此等為國竭忠之王大臣彼此敬重互為勸勉以期報
効朝廷斯乃有益之事朕所樂聞況爾既奉朕諭旨不
必疑畏將來爾或改易操行王或更變初心彼時則任
從爾等之便也朕惟願內外諸臣相欽相惜同心合德
共懋公忠普天率土和氣盈溢不願羣工妬賢嫉能彼

此陷害也朕因念爾孤介寒儒今膺重寄恐偶遇掣肘不能自達之處故有前諭朕若於怡親王少有疑惑王若非實心重爾朕亦無此一諭也坦然放心遵旨而行

雍正元年十一月十五日直隸巡撫

臣

李維鈞謹

奏為要地需才謹舉所知恭請

聖裁簡補事竊查口北地方西接大同北聯沙漠是以建設道員以資彈壓且兵馬錢糧專司支放地甚要而責甚重也原任口北道董思凝病故員缺查

順德府知府范弘猷自到任以來操守頗潔辦事亦勤臣從前面

奏曾經具摺保薦順德一郡縣少事簡易於敷治未盡厥長若以范弘猷補授口北道實於邊塞大有裨益如蒙

俞允其順德府知府員缺查正順河漳河同知曾逢聖才守俱優亦經臣具摺保薦今三年俸滿業已保題應陞倘以之補授順德府知府則銜缺相當而人

才亦可收實效矣以上二員可否補用恭候

聖明裁奪謹

奏

范弘猷素履拘謹恐非個儻肆應才也

雍正元年十一月二十九日直隸巡撫臣李維鈞

謹

奏為奏明事竊查本年十月內接准內務府咨開奉旨莊頭內有在地方為惡者着地方官即具報內務府

爾等查問教訓如不悛改即行革退將此交與直隸
巡撫凡有上三旗之州縣通行曉諭欽此臣隨行巡
道飛飭州縣通行曉諭並加意確訪各莊頭自巨
惡李信等奉

旨查拏之後莫不兢守法洗心改過如豐潤縣居住
莊頭陳扇墜子向實奸邪今則聞風歛迹灤州居
住莊頭李著伯並其族兄李萬扶等從前恃富肆
橫今則不惟改惡自新且將地土租糧當舖利息

各減一分遇有貧難者義讓樂與現今旗民相安

咸頌

聖德感化所致查李著伯等既能改過遷善似應寬其

果能

悔改

同應

容其

自新

但恐

秉性

難移

耳仍

不時

留

已往勵其將來此後仍加意查訪倘有怙終不悛

心訪

察如

少踴

前轍

立刻

察處

不可

稍存

姑息

之念

朕

者立即參究不敢少為徇隱再直屬地方仰蒙

必永

斷此

惡習

而後

已全

在兩

地方

大吏

奉行

公嚴

毋

皇上敬奉

得始勤終怠

天時勤求民瘼是以年穀順成米價日賤查大名廣平二

府屬米價每石八錢正定順德二府屬每石九錢

幾輔民生尤慮朕懷覽爾所奏何快如之及一兩不等北五府屬每石一兩及一兩一錢不
等年豐人樂實有熙熙皞皞之風謹繕摺併奏以

聞謹

奏

覽

雍正二年正月十九日直隸巡撫臣李維鈞謹

奏為奏明事竊各處莊頭已知改悔如有怙終不悛

立即究叅經臣摺

奏奉

硃批果能悛改固應容其自新但恐秉性難移耳仍不時留心訪察如少蹈前轍立刻叅處不可稍存姑息之念朕必永斷此惡習而後已全在爾地方大吏奉行公嚴毋得始勤終怠欽此臣益加確訪通行密查今據天津道年裕詳稱住居靜海縣之鑲黃旗花子佐領下莊頭李大權不知歛迹仍肆橫行誘取有夫之婦女十餘人窩藏在家恣行姦佔橫勒嫖

錢種種惡蹟實干法紀非僅報內務府所可查問
訓改者將李大權已經拘到相應詳明等情到

臣

臣隨批令巡道常德壽嚴審定擬外先行繕摺
理應參處者

奏明再直屬地方自去冬十一月至今雨雪雖少然

臣徧行查詢地氣潮濕麥苗漸長若二月內得滋

雨澤麥秋即獲豐收矣理合一併奏

聞謹

奏

朕在此正爾顒望雨雪期與爾共竭誠悃以祈

天賚各省俱蒙

天地神祇眷佑咸報雨雪應時惟畿輔近地微覺缺少不知何以致此要當返躬痛切修省耳

同日又

奏為奏明事竊照直屬虧空臣請於二年內彌補當經具摺

奏明今查各屬皆在陸續完補惟祁州知州鮑錞玉

田縣知縣張星炳將雍正元年錢糧任意虧缺而
祁州又虧空康熙六十年六十一年錢糧米穀臣
現在另疏

題叅如將虧空之項能於限內完補應請

聖恩寬免治罪倘不能完嚴審定擬以昭法紀庶倉庫
錢糧不致虛懸矣謹

奏

不惟法所當然於情於理亦應如是此等劣員豈可一

日姑容具疏題叅可也

雍正二年正月二十七日直隸巡撫臣李維鈞謹

奏為恭懇

聖恩簡員發用以收實效事竊念吏治實關民生而欲清吏治莫若試可而後用仰懇

皇上於候補候選人員內

特簡二十員發

臣臣

於公務之餘與論治道曉之以土

俗民情最之以清慎勤敏并遇事差委以試其才

如果才能出衆有緊要員缺臣即具

題請補其才具少次者亦酌量繁簡請補若醇謹有
餘而地方之任力不能勝者臣謹咨回吏部以閒
散職員補用則於地方大有裨益矣臣不揣冒昧
瀆請仰祈

皇上睿鑒謹

奏

直隸咫尺京師無懸缺久待之慮且不比山西之大為

更革此說不可行即遠省揀發人員亦不過暫時權宜止一二次而已非為常例也爾將一省屬員內量才器使通融調補不妨隨時摺奏以聞

雍正二年二月十三日直隸巡撫

臣李維鈞謹

奏為欽奉

上諭事竊

臣准戶部咨開奉

旨行文直隸各省督撫凡遇有公事奏請捐俸工之處著永行停止欽此伏念官俸役食原不應有捐輸之

名失其養贍之實即因公願捐亦出臣下急公之
誼而動輒

奏請非所以崇尚政體今永行停止仰見我

皇上端本澄源至意臣查直屬修築太行堤工經前督
臣趙弘燮

題明暫動道庫銀兩以通省俸工自康熙六十一年
起分作五年捐還又截漕運貯廣大二府腳價亦
經

題明動借庫項俟俸工有餘捐還各在案若竟行停止則此項庫銀深慮還補無術且直屬公務較繁於他省臣愚以為正雜佐貳中凡係窮員苦役悉予支領以資養贍此外俸工將前借庫項按年捐還以後遇有公事地方大吏捐資料理倘力不能辦必賴衆擎易舉此係臣下職分當然其

奏請捐俸工之處永行停止則

國帑實而政體崇公事濟而臣職修矣是否可採伏

祈

睿鑒謹

奏

此事爾當自行斟酌可否朕不便代爾立準繩也

同日又

奏為奏明事竊查永定河同知全寶因伊父陶錦虧
空解任賠補業准部提起解矣昨准侍郎臣牛鈕
欲以全寶留任賠補會同

題請

臣以同知職司河務在任賠補必致有虧河帑

陶錦之子何可保此等無理之奏爾即會題朕亦斷

不允行也

雨雪稀少上廩

百凡

總類

宸衷

臣親詣四鄉查看幸土甚潮濕麥根滋潤鄉民食

上蒼慈佑

豈敢逆料其必然必不然耶惟當敬修人事以

聽

麥咸茂百穀可播理合陳明謹

天耳

奏

覽

雍正二年二月二十日直隸巡撫臣李維鈞謹

奏為奏

聞事竊臣准宣化鎮臣許國桂咨稱修造沙城指定處
所並築堤護城繕摺

奏明緣由到臣臣思修造沙城所需丁匠夫役皆係

民人武職衙門恐有呼應不靈且人衆易於生事

必須多委文職官員協助庶克有濟今臣飛委口

北道范弘偁在宣化及沙城兩處往來稽查又委

宣化同知滿雲鵬居住沙城專司查察又念時值
三春東作方殷若赴工所或失本業盡令力耕又
誤城工俾田功城堤兩無貽誤方為妥協臣擬於
三月初十後親詣沙城同鎮臣酌議料理并查勘
宣化府城工河道會同商妥另行奏明合先具

奏仰祈

睿鑒謹

奏

派委已屬妥協修造之事工料備而已矣矧董役者原
有人范弘偲許國桂儘可從容辦理爾不必親往勘視
亦無庸更委大員也

同日又

奏為奏明事竊照大名郡城徐秀勾盜一案查徐秀
向充大名協標兵丁因守備楊世威將伊革退懷
恨勾結羽黨以圖報復於康熙六十一年十月十
八日夜潛入副將楊天祚之署楊天祚猝不及覺

被其擁至楊世威署內家人潘斌出禦被殺世威
得以幸免相持至於次日楊天祚乘間奪刀將徐
秀砍倒守備袁士魁賈勇擊賊盡數被獲陸續殲
斃者十有五名臣於抵任後查此案之釁原起於
楊世威即欲

題叅第慮悍卒益增驕氣故於疎防案內附叅革職
惟是徐秀等於是夜上盜實共止一十八人若一
推求恐致株害無辜故就現獲審理照盜案定擬

今准刑部咨駁復飭嚴審臣復提解親訊明白已
經

題覆仰祈

聖明乾斷結案不使部臣再行駁查則現犯免於拖延
而無辜不致牽累矣謹

奏

此非朕可乾斷之事公然於郡城之內明火執械將副
將刦去而云上盜止十八九人揆之理勢實屬不符朕

亦不將此意諭部憑伊等秉公議覆朕但依議而行耳

雍正二年三月十二日直隸巡撫臣李維鈞謹

奏為恭謝

天恩併報微臣回署日期事竊臣恭遇

聖駕謁

陵於三月初二日自保起程於初五日上

朝請

安蒙將

御製喜雨詩賜臣跪誦仰見

聖德凝承

天心格應而

睿思濬哲

寶翰輝煌自古帝王詩章書法未有如我

皇上之超神入化者也隨荷

召見蒙將

御前珍饌

特恩賜與初六日扈

蹕至烟郊奉

旨地方事務緊要巡撫回去料理欽此臣於初七日兩

蒙

宣入

行宮奏對之次

皇上念

聖祖付託之重孝思彌篤勉臣下公忠之義

恩浹益深又蒙

賜御馬一匹天閑良驥非比尋常且日蒙

恩賜克食臣不知何修而上荷

主眷以至於此也初八日臣於三河縣地方跪送

聖駕即刻起程於十一日已回臣署伏念臣疊荷

恩施至優至渥

寵逾其分心益若驚雖勉竭駑駘而才力短淺何能仰

報

高深於萬一所有微臣感謝

天恩併回署日期理合一併奏

聞謹

奏

於爾回任後即接閱大將軍年羹堯西海捷報兼雨後
清明風和日麗陌不揚塵十一日

陵祭告竣即日旋蹕於十三日還宮一路如意覽卿奏謝

知道了特諭

同日又

奏為恭報雨澤事竊直屬地方入春以後麥田需雨

甚殷蒙我

皇上至仁育物軫念民依於二月二十六日

虔禱於黑龍潭三月初三日即得甘霖廣沛今據順永

保河正順廣大宣九府屬各報初三日得雨八九

寸及五六寸不等在在俱已透足惟良鄉永清文

安密雲寶坻遷安交河阜城天津新樂井陘元氏

寧晉南和平鄉永年邯鄲赤城十八州縣得雨三
四寸不等地土已潤麥苗長發農民遍野雷動歡
呼莫不感頌我

皇上敬

天勤民至誠感召之所致也所有各府屬得雨緣由臣謹
繕摺奏

聞謹

奏

此日之甘霖不止畿內優渥山西陝西山東河南江南
所報皆同均得透足真可謂

天恩浩蕩也喜何可言皆爾等封疆大吏仰體朕懷實心
為國愛民感召之所致也朕不勝欣幸之至我君臣惟
當愈加敬謹將此兢業之誠對越

上帝以邀永永之錫嘏耳

雍正二年三月二十三日直隸巡撫臣李維鈞謹
奏為奏明事竊臣猥以庸愚仰蒙

皇上洪恩逾格夙夜兢惕誓圖報効所有微臣行過事宜如虧空地丁銀四十二萬餘兩已補十分之四攤免丁銀合計二百萬戶盡沐

皇恩道府廳州縣賢者薦用不肖者叅革貪殘之習漸

除徵收火耗直隸素輕於他省北五府納糧一兩

止有耗銀七八分至一錢不等今令州縣照常徵

火

耗

因累民之事自當酌量均平而為之

收南四府納糧一兩耗銀一錢至一錢四五分不

等今已量減二三分部撥兵餉州縣起批解府由

知府驗封索規禮銀每兩加二分其兵餉仍令州縣自解司餉各道衙門歲為州縣之累今令州縣解貯府庫由府彙解各道州縣得免費用需索若派修衙署新官到任鋪墊物件及里下分買驛遞

此等

豆草派民守城捕役坐坊紅寄莊黑寄莊種種為

此隱

害地方俱經嚴行禁革各屬地畝有水衝沙壓者

確查請豁開墾隱漏者通查首報弭盜除窩飭兵

役里甲同心稽查協力擒拏聽斷詞訟飭行連結

不許揆限沉捺一有延累輕則記過重則叅處是
皆○主○志○在○必○行○不○敢○始○勤○而○終○怠○也○而○臣○於○武○職○
應○勤○為○察○訪○

尤加意察訪營弊之大者莫如生兵虛兵馬步兵
募補未久借端革退復募新兵必有賄囑方收入

此二者乃天下之通弊
伍是謂生兵革退之兵不即開除曠時召募遲日

冊報侵蝕曠糧謂之虛兵臣深知此二弊嚴飭將

非如是不能滌除尤須不時加意
弁力除痛洗稱職者薦溺職者叅近亦各知儆改

身為大吏舉動不宜輕忽隨帶數人殊覺失體
擬於暇時隨帶數人親至各營考驗查究至保

定府城內三營監甲旗幟已粗購備飭令營將勤

加操演

臣

每月分作三日親閱弓馬鎗箭示以賞

罰羣相鼓勵

甚好

各處墩臺亦現在修整且墩臺相望

適中

近或二三里遠亦不過五里不似晉省遠隔十里

為是何必增置

似無庸添置

況舖司專遞文書每月止給工食銀

五錢以養家口若令學習武藝恐亦終屬虛名臣

照晉省添設汛房每一汛派馬兵二名步兵三名

今蓋屋十間令汛兵挈眷同居不許輪流更替則

擇善而從天下督撫皆當如此留心撫而充之何慮吏
兵與民情意決洽彼此照顧如有人材不堪疎防
治不肅民生不逆耶

懶惰者即行革退另補惟順河水宣墩臺汛守皆
屬鎮臣管轄臣雖一面移會轉飭遵照或恐陽奉

陰違仰祈

皇上聖鑒敕行到臣臣祇奉移知則防守自必一體加
以開

謹矣再村莊失事甚屬可虞查村莊四圍皆無關

閉所以盜竊任意出入今擬於大村莊外圍之以
土牆堅築高厚起土之處即為深壕村內開一總

實係

甚有並之市但須預為陳說利害使庸愚灼知有

門蓋守門屋一間輪流看守遇警羣起擁守門口

並踴

躍樂從亦必俟秋成以後方可行之斷不宜強迫

庶盜竊技無所施漸次消弭其築牆之法按戶出

即於

兩三年內完成亦不為遲也工貧乏者令富民每日給糧一升亦易為力然須

俟八九月後農隙時酌可為而為之目下之計先

做團練之法於大村莊內挑選壯丁二三十名學

此一

頭目殊難其人須擇平素為眾所推服者方可委

習棍棒立一頭目董率其事地方官按名造冊免

之董

率尤宜飭地方官不時稽查其行止必令勿致生

其差徭仍取連環保結如能驅盜擒盜分別優賞

事方

好果可通行乃大有益之舉豈止小法耶

如有失事各加杖責或亦息盜之小法也保定省

會其城垣樓堞臣一一修治各已改觀再直隸為

此美

舉也

深得古人列樹表道之意朕現刊諭一道尚

通衢總會之處今於大路兩傍自良鄉起南至河

未頒

發爾奏怡與朕不約而同今先賜爾一張隨即通

行直隸

各省前於途間見道傍新栽柳株不費資本共得

百餘萬株十年之後條幹長成皆可伐取以充公

所使也

用并行路之人可免酷熱其利無窮凡此皆臣分

內應行之事何敢縷陳以瀆

聖聽但臣愚拙立志甚篤恐行之未當繕摺奏

聞伏祈

聖聽但臣愚拙立志甚篤恐行之未當繕摺奏

聞伏祈

聖聽但臣愚拙立志甚篤恐行之未當繕摺奏

聞伏祈

聖聽但臣愚拙立志甚篤恐行之未當繕摺奏

聞伏祈

聖聽但臣愚拙立志甚篤恐行之未當繕摺奏

睿鑒謹

奏

在他人朕猶聽其言而觀其行在汝朕聽其言而信其行所奏俱為合宜但當徐徐次第為之耳

雍正二年四月初六日直隸巡撫臣李維鈞謹

奏為奏明事竊臣伏讀

上諭廣種植以盡地力重本計以厚民生誠治天下之

要務臣欽奉祇遵務必實心奉行并刊刷多張遍

無庸刊刷候部

頒發與爾

示吏民羣相勉勵以上副我

皇上惠養元元至意臣官直隸年久深知民性多惰不

北地

人民原有苟且偷安之習

肯盡力南畝輟耕而嬉草萊不薙比比有之今保

介田畯雖無專官而臣竊計可倣而行之茲選委

霸州知州遂選廣平府通判張禹錫先往保河正

順廣大六府地方率同州縣官親往各鄉詢民疾

苦勸民耕作貧者借以牛種惰者予以責懲必於

農事少有裨益并令二員相度地勢可以興水利

保薦以示鼓勵甚是之處繪圖共商次第議行如於六府農桑水利著

有效驗臣當從實保薦謹具摺陳明伏祈

皇上訓示遵行謹

奏

所奏知道了

前者大興令高純嘏一案在汝原可寬恕朕意降汝一級罹此輕罰嗣後嚴飭屬員更覺有詞人亦難以深刻之名加汝係朕有心而為之也

雍正二年四月初九日直隸巡撫臣李維鈞謹

奏為續報雨澤事竊查直屬地方於三月初三日已
得甘霖大沛茲於四月初二日保定郡城并附近
州縣復得雨澤業於

奏明事摺內附

奏在案今據各屬陸續呈報如河間府屬之鹽山等
九州縣於初二日得雨三四寸不等滄州等五州
縣得雨一二寸不等正定府屬之武邑等十二州

縣於初二日至初三日得雨四五寸不等饒陽等
七州縣得雨一二寸不等順德府屬之邢臺等四
縣得雨二三寸不等唐山等四縣得雨一二寸不
等廣平府屬之威縣清河二縣於初二日至初三
日得雨露足永年等七縣得雨三四寸不等大名
府屬之元城等十一州縣於初二日至初三日得
雨四五寸不等保定府屬之祁州東鹿博野深澤
四州縣於初二日得雨一二寸不等其餘各府屬

州縣內僅得微雨者不敢繁叙上瀆

宸聰臣查此番雨澤於霑足之後又得膏澤普施二麥

益加暢茂秋禾已播者漸皆長發農民樂業預必

豐盈理合陳

奏以慰

聖懷謹

奏

初十日都中已得透雨遠近霑洽朕感戴

天恩篤厚不勝慶幸之至書曰天視自我民視天聽自我民聽爾能仰體朕意使畿甸黎元各得其所人和默契夫

天和所以致斯膏澤也觀一氣之相感有如立竿見影我君臣可不益凜冰淵更加黽勉乎

雍正二年四月十三日直隸巡撫臣李維鈞謹

奏為奏

聞事竊查去歲天津截留漕米囤貯日期經臣

奏明在案今准兵部右侍郎臣李紱咨稱於二月二

十一日自京起程赴津督運京通二倉交納等因

臣即檄守道桑成鼎并令飛調去歲截留漕米原

經手各官赴津協同料理轉運去後茲據桑成鼎

呈報已於二月二十五日催募船隻開國發運起

至四月初六日止運過米共四十一萬三千五百

五十五石零俱陸續轉運全完再上年臣飭令桑

成鼎隨帶銀八千兩以備動用當經臣具摺

奏明查截留入國以及剝運京通一切脚費等項原
於各旗丁僱剝等項銀錢動用惟席國葦柴幫添
扛價賞看守米國兵丁等項於守道隨帶銀內共
用銀三千餘兩此_臣下所當稍効微力者也_臣謹
一併

奏明伏祈

皇上睿鑒謹

奏

李紱於督運一事之効力處實屬可嘉據伊回奏云此番在事之大小文武官弁無不踴躍趨赴實力奉行朕聞之不勝嘉悅此皆爾督率得法鼓勵勸教之所致天下事咸能如此則胡禁不止曷令不行耶

同日又

奏為恭謝

天恩事竊照大興縣高純嘏一案臣實有失察之愆部

臣照例議降一級乃蒙

皇上恩諭優容體恤臣跪讀之下置身無地嗣後當嚴飭屬員共天公忠仰報萬一謹此

奏謝茲於四月初十日保定郡城得雨雖不甚大然同雲密布沾被必廣俟各屬報到另行彙奏外合併陳明謹

奏

初十日都中得雨透足今歲光景

上天似有降福之兆朕實欣幸之至餘奏俱悉

雍正二年四月十九日直隸巡撫臣李維鈞謹

奏為奏明事竊查各屬雨澤大名廣平二府各已霑

足永宣正順河五府於初二初十等日兩次得雨

連日

猶未透足保定府屬待澤尤殷臣現在祈禱春麥

秋禾

熯熱光景必有普雨

正望甘霖之大沛也各汛添設營房俱已興

工約計一月內即可告竣鄉村周築土牆臣遵

諭旨遍示通曉預為開導訪之輿論果能如此第一美

政也

以永無盜患臣於秋後必力行告成也玉田縣還

鄉河故道淤塞堤壩衝決旗民之地淹沒三四十

頃今查勘明白委官疏濬築立堤壩告竣之日另

繪圖奏

聞宣化府同知滿雲鵬係奉

旨交臣試看之員臣欽遵試看復嚴加訓飭今查滿雲鵬能若能悔悟自悔悟非下愚不移者比頗守官箴猶可器使之材也所有該員居官尚好可以

留任之處理合奏

聞再霸昌道湯之旭服官雖無敗檢才力甚覺短淺書

生迂見議論難行政體未達復查其關防不謹縱

令家人於所屬州縣需索擾累霸昌道缺關係緊

朕用

伊為霸昌道時曾降諭與爾此人才具平常知道

了俟

選擇得人另有諭旨

其員缺仰懇

皇上另簡賢員補用庶於地方有益伏祈

睿鑒謹

奏

覽

雍正二年四月二十三日直隸巡撫臣李維鈞謹
奏為奏

聞事竊保定府屬待雨甚殷前於

奏明事摺內仰荷

硃批連日燠熱光景應有大雨欽此臣捧讀之下知

聖德上格自必雨澤立沛果即於二十二日甘霖廣沛
至二十三日大雨滂沱四野透足麥田秋種皆可

滿收書大有而紀屢豐皆我

皇上誠敬感召之所致也除各屬報到另摺彙

奏外所有得雨透足緣由合先奏

聞恭慰

聖懷謹

奏

真屬可喜可幸之事易曰二人同心其利斷金我君臣
同心肫切為萬姓祈禱蒙

上蒼垂憫沛然普賜甘霖朕與爾此番之幸喜實非他人

所能喻也

雍正二年閏四月十五日直隸巡撫臣李維鈞謹
奏為恭請

聖安并申微悃事臣自三月初八日跪辭回署孺慕依

戀日切於懷臣謹繕摺恭請

聖躬萬安伏念我

皇上萬幾稍暇勤觀書史探求治道兼之

睿藻日新

宸翰流輝一字一句實為千古楷模

臣

謹備筆墨數物

冀充

尚方之御伏懇

睿慈納

臣

愚悃再查九府麥秋九分十分者居十之七

八七分八分者居十之二三俟報齊另

奏順德府所屬之邢臺南和平鄉三縣建閘開溝已

得水利可灌地三千餘頃工完之日將村莊地畝

繪圖恭呈

御覽豫東兩省蝗蝻發生大名廣平順德三府州縣與
豫東連界者屢報有蝻子幸所委文武及地方各
官巡撲勤密已滅十之八九全未為害數日內餘
孽可盡合併奏

聞謹

奏

朕祇知山東河南江南數州縣生發蝗蝻正爾憂慮不
謂直隸亦有今幸已撲滅覽奏中全未為害之語深悞

朕懷但恐遺有餘孽亟宜選委幹員督捕盡絕此係數省連界之地互相推諉之弊不可不慮當嚴飭屬員各專其責況愚民習惰偷安未必樂從全在地方官勤敏不懈勸導鼓舞齊心盡力為之方克有濟也

臣見沿途修造營房令兵丁永遠住居於民實有裨益但奉行必以實心善政庶乎可久如山東地方多用磚瓦自然堅固至直隸各墩皆係土房易至傾圯將來兵丁恐不免遷徙廢弛之

虞且臣聞州縣將此工程交鄉長地方料理有
每間發銀一兩五錢者有發銀二兩四錢者有
先於民間派取木料人夫俟落成之後給銀者
是奉行不善不惟誤公反以累民也

有一人條奏營房一事朕疑其有心誣陷及至問爾聲
名彼又盛稱爾之清公勤慎所以將此奏發來爾者至
於土房之說只可如此而已山東因脩蓋營房擾累地
方前已特諭新撫陳世倌矣爾查通省屬員中或有奉

行不善者亦未可定須嚴加訓飭再者宣化一帶不宜
於沙石之地種植樹木聞地方官皆勒令百姓栽種民
間甚以為苦當留心察詢又聞獻縣知縣范時珍火耗
取至加四未知確否細加體訪實則即行叅劾不實亦
另為奏聞

雍正二年閏四月二十五日直隸巡撫臣李維鈞
謹

奏為奏覆事竊臣於本月二十三日敬啓

批回摺子內發條奏一摺蒙

皇上硃批有人條奏內論及汛房一事朕疑其有心誣陷及至問爾聲名彼又盛稱爾之清公勤慎所以將此奏發來爾看臣恭讀至此不禁感極涕零伏查各汛添設營房每間需工料銀四兩臣幫發銀一半嚴飭不許派擾其木料等物均係價買惟人夫工食量給錢米臣思力役之征自古有之添設營房原以衛民即有小勞亦不為害至北地土房歲加

修補亦有二三十年之久若蓋瓦房則費用浩繁
不無擾累蒙

諭土房之說只可如此而已

聖明洞鑒無微不至臣恐屬員之中或有奉行不善謹
遵

聖諭再行嚴飭至宣化地方地多沙石原難種植今春
插柳臣即諭地方官不必勉強臣今遵

旨當再飭地方官相度土宜而行勿強民所不能為以

副我

皇上惠養黎元至意獻縣知縣范時珍居官平常近復

此人聲名甚不堪過佳多人如出一口本到時朕另有

患病臣因其無甚敗檢已諭令告休至徵收火耗

旨

北五府僅有加一即南府亦不過一錢四五分加

四火耗非特直省無之即他省亦無此重耗欽奉

諭旨下詢理合一併奏

聞伏祈

睿鑒謹

奏

所奏俱悉

同日又

奏為恭報約計二麥收成數事竊今歲

畿輔地方雨暘時若現今二麥在在秀實漸可登場

臣通行確查茲據各道府將約收分數呈報前來

查順天永平二府屬約有九分至六分不等保定

河間二府屬約有十分至八分不等正定府屬約

有十分至七分不等順德府屬約有九分至七分
不等廣平大名二府屬約有十分九分不等宣化
府屬約有八分至五分不等臣查今歲二麥處處
豐登惟順天永平宣化三府屬山阜沙礫之區者
間有五六分現在麥價頓賤無不含哺鼓腹感頌
皇上仁恩所有各屬報到二麥收成分數謹繕摺恭奏
以

聞伏祈

金史卷之八十二
卷十二
審鑒謹

奏

聞南四府今歲麥秋確有十分收成數十年來所僅見者閱爾此奏北五府分數似覺少過今正望雨甚殷大內現在立壇祈禱朕觀直省民風惟顧目前苟安率皆忽於蓄積當飭地方有司通行勸教趁此豐年撙節食用省無益之費寧使少有存留以為來年接濟州縣良吏若肯殷勤提命家諭戶曉幸值年歲屢登則耕一餘

三耕三餘九之隆何難再見於斯世耶

雍正二年五月初一日直隸巡撫

臣

李維鈞謹

奏為奏報事竊今歲

畿輔地方仰賴

聖主福庇雨暘時若二麥豐收經

臣

將約收分數查明

奏報今麥已登場秋田正需雨澤於閏四月二十八

日自未時起至酉時止得雨甚密農民歡忻咸云
秋禾已種者勃然茂盛凡收過麥地俱可以種晚

稼且濃雲似墨得雨必廣今據清苑縣查報得雨
入土五寸除各屬報到另行彙

奏外所有保定郡城得雨緣由

臣謹繕摺恭

奏以慰

聖懷謹

奏

京都左近二十八日雖亦得雨未透於初一日雨至初
二日早方十分霑足朕深為忻慶況夏至日有事於

方澤朕親詣行禮向蒙

高天之恩今復叨

厚地之德也惟默感

篤祐益加凜惕耳特諭

雍正二年五月初五日直隸巡撫臣李維鈞謹

奏為續報雨澤事竊照保定郡城於閏四月二十八

日得雨情形經臣具摺奏

聞今據各屬陸續呈報查順天府屬之東安等七州縣

已得雨霑足霸州等十六州縣各得雨三四五寸
不等保定府屬之祁州等十二州縣各得雨四五
寸不等新城等三州縣已得雨霑足河間府屬之
任邱縣天津衛已得雨霑足滄州等十二州縣各
得雨二三寸不等正定府屬之定州等八州縣各
得雨三四寸不等順德府屬之內邱縣宣化府屬
之懷來縣各得雨二三寸不等正在

奏報間保定郡城於五月初三日又得雨三寸甚為

及時小民歡慶

臣

查各屬自四月以來屢得雨潤

我

皇上念切民依猶於

大內設壇祈禱今甘霖疊沛四野均沾皆我

皇上誠敬感召成此豐年之象也

臣

謹將各屬續報得

雨及保定府又得雨澤緣由繕摺陳明謹

奏

連降時雨大約霑被寬廣朕愛歲之心已釋雨澤分數

此後可不必頻頻奏報矣

雍正二年五月十七日直隸巡撫

臣

李維鈞謹

奏為恭謝

天恩事竊五月初三日

臣

進摺人回蒙

皇上賜

臣

香袋七箇荷包二箇鮓魚五尾恭齋到保

臣

出郊跪迎至署恭設香案望

闕叩頭謝

恩祇受訖伏念

臣

材識疎淺毫無寸効乃蒙

皇上格外賞賚疊加

恩賜

臣

何人斯頻邀

異數涓埃莫報感激滋深惟有益加砥礪以仰荅

皇恩於萬一耳再玉田縣還鄉河歲淹旗民田地

臣仰

體

皇上軫念民依至意發銀委員疏濬修築河防各地戶

嚴禁

拘輸

以清

弊源

甚是

俱願

按畝

輸錢

五文

以助

厥工

已嚴

飭禁

止在

案

工務

如此

速竣

朕實

嘉之

查工程

亦計

日可

以告

成理


合一

併奏

聞謹

奏

覽卿奏謝知道了



硃批諭旨卷十上